



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Број: 01-1-50-1888-Т216
Сарајево, 21.07.2016. године

| | | | |
|--|-----------------------|------------|--------------|
| BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO | | | |
| PRIMLJENO. | | 25.07/16 | |
| Organizaciona jedinica | Klasifikaciona oznaka | Redni broj | Broj priloga |
| 01-50-1-16 | -87 | 16 | |

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
ПРЕДСТАВНИЧКИ ДОМ

ПРЕДМЕТ: Одговор на посланичко питање Салке Соколовића постављено на 31. сједници Представничког дома Парламентарне скупштине БиХ, доставља се

На 31. сједници Представничког дома Парламентарне скупштине Босне и Херцеговине посланик Салко Соколовић поставио је усмено посланичко питање министру спољне трговине и економских односа БиХ и након добијеног усменог одговора, затражио доставу одговора у писаној форми.

Поступајући по достављеном захтјеву у прилогу достављамо одговор на постављено посланичко питање.

С поштовањем,

Прилог: Као у тексту



Достављено:

- Наслову
- Генералном секретаријату Савјета министара БиХ
- а/а

Salko Sokolović, poslanik u Predstavničkom domu Parlamentarne skupštine Bosne i Hercegovine, na 31. sjednici Predstavničkog doma postavio je ministru spoljne trgovine i ekonomskih odnosa BiH pitanje u usmenom obliku:

„U proteklom periodu održano je niz pregovora o prilagođavanju SSP-a BiH sa Evropskom Unijom. Kako saznajem, a „izvor“ je medijski prostor, stavovi su približeni, ali i zadnji pregovori završeni su bez postignutog konačnog dogovora. Gospodine ministre tražim da nas informišete o dosadašnjem toku pregovora (našim zahtjevima, zahtjevima Evropske komisije, postignutim kompromisima), kao i kada se očekuje postizanje dogovora.

Razlog za postavljanje ovog pitanja je potreba da poslanici Parlamentarne skupštine dobiju informacije od nadležnog ministarstva koje vodi pregovore, a ne putem pisanih i elektronskih medija.“

Na istoj sjednici poslanik Salko Sokolović je dobio usmeni odgovor ministra spoljne trgovine i ekonomskih odnosa BiH i zatražio da mu se dostavi i pisani odgovor.

S tim u vezi, ministar spoljne trgovine i ekonomskih odnosa BiH dostavlja sljedeći

ODGOVOR

Pregovore o prilagođavanju Sporazuma o stabilizaciji i pridruživanju između BiH i EU da bi uzelo u obzir pristupanje Republike Hrvatske je, u skladu sa zakonom, vodila Delegacija BiH za pregovore (Delegacija) koju je imenovalo Predsjedništvo BiH. Delegaciju su činili predstavnici nadležnih institucija u BiH, i to: Ministarstva spoljne trgovine i ekonomskih odnosa BiH, Direkcije za evropske integracije BiH, Federalnog ministarstva poljoprivrede, vodoprivrede i šumarstva, Ministarstva poljoprivrede, šumarstva i vodoprivrede RS, Federalnog ministarstva trgovine, Ministarstva trgovine i turizma RS, te Vlade Brčko distrikta BiH.

Proces pregovora za zaključivanje *Protokola uz Privremeni sporazum o trgovini i trgovinskim pitanjima između Evropske Zajednice, sa jedne strane, i Bosne i Hercegovine, sa druge strane, da bi se uzelo u obzir pristupanje Republike Hrvatske Evropskoj Uniji* (Protokol), traje od kraja 2012. godine.

Imajući u vidu zaključke Vijeća za spoljne poslove EU od 16. marta¹ i 12. oktobra 2015.² godine, a u cilju da se stvore pretpostavke za podnošenje kredibilnog zahtjeva za članstvo BiH u EU, Predsjedništvo BiH je na 14. redovnoj sjednici održanoj 28. oktobra 2015. godine usvojilo zaključak da je neophodno revidirati Osnovu za vođenje pregovora radi zaključivanja Protokola

¹ „3 Vijeće poziva lidere Bosne i Hercegovine da u potpunosti ispunе svoje obaveze, uključujući one koje se odnose na prilagođavanja SSP-a koji će stupiti na snagu [u trenutku donošenja zaključka na snazi je bio Privremeni sporazum o trgovini i trgovinskim pitanjima, op. a], .“

² „2 Nakon stupanja na snagu Sporazuma o stabilizaciji i pridruživanju (SSP), Bosna i Hercegovina treba u potpunosti da ispunі svoje obaveze po Sporazumu, uključujući one koje se odnose na prilagođavanje SSP-a“

uz SSP, utvrditi novu pregovaračku poziciju BiH i predložiti novi sastav delegacije za pregovore.³

Savjet ministara BiH je, na prijedlog Ministarstva za spoljnu trgovinu i ekonomske odnose BiH, na 34. sjednici održanoj 9. decembra 2015. godine, imenovao novog šefa Delegacije BiH za pregovore (u daljem tekstu: Delegacija BiH), g-dina Hamda Tinjaka, a na 43. sjednici održanoj 9. februara 2016. godine, usvojio Prijedlog osnova za vođenje pregovora zaključivanja Protokola.

Pregovaračka pozicija BiH je bila pripremljena u skladu sa zaključcima Predsjedništva BiH, te sadržavala zahtjev BiH prema EU, odnosno "ponudu" u odnosu na zahtjev EU prema BiH. Zahtjev BiH je, prema Pregovaračkoj poziciji BiH, imao tri elementa, i to:

- povećanje količina postojećih tarifnih kvota za izvoz BiH u EU za ribu, šećer i vino;
- otvaranje tarifnih kvota za voće i povrće⁴; te
- omogućavanje izvoza piletine i jaja iz BiH u EU i korištenje sredstava iz IPARD fondova (kompenzacije navedene u zaključku Predsjedništva BiH sa 14. sjednice od 28. oktobra 2015)⁵.

Nakon što su ispunjenje potrebne pretpostavke, u narednom periodu su održane tri službene runde (Sarajevo, 16.2.2016. godine; Brisel, 14.3.2016. godine i 29.4.2016. godine).

S obzirom na vrstu proizvoda koji su bili predmet preferencijalne trgovine između BiH i Hrvatske prije njenog članstva u EU, a koji su po SSP-u između BiH i EU bili izuzeti od liberalizacije ili su mogli biti uvoženi u BiH/EU u okviru tarifne kvote, pregovori su vođeni po grupama kojima i pripadaju, i to:

- a) u kontekstu izvoza EU u BiH: bazni poljoprivredni proizvodi, prerađeni poljoprivredni proizvodi i proizvodi od riba, te
- b) u kontekstu izvoza BiH u EU: robe svrstane u glave 7. i 8. Carinske tarife, šećer, vino i riba.

³ „1. Stav Predsjedništva BiH je da je neophodno revidirati Osnov za vođenje pregovora za zaključivanje Protokola uz Privremeni sporazum o trgovini i trgovinskim pitanjima između Evropske Zajednice, sa jedne strane, i Bosne i Hercegovine, sa druge strane, da bi se uzelo u obzir pristupanje Republike Hrvatske Evropskoj Uniji, i utvrditi novu pregovaračku poziciju BiH

2. Zadužuje se Savjet ministara BiH da Predsjedništvu BiH u što kraćem roku dostavi prijedlog revidiranog Osnova za vođenje pregovora za zaključivanje Protokola uz Privremeni sporazum o trgovini i trgovinskim pitanjima između Evropske Zajednice, sa jedne strane, i Bosne i Hercegovine, sa druge strane, da bi se uzelo u obzir pristupanje Republike Hrvatske Evropskoj Uniji, uključujući prijedlog nove pregovaračke pozicije i novog sastava Delegacije za vođenje pregovora

3. Revidirani osnov za vođenje pregovora i nova pregovaračka pozicija treba da omoguće iznalaženje prihvatljivog rješenja, koje će biti bazirano na uvažavanju uzajamnih interesa i sadržavaće fazno prilagođavanje i kompenzacijske mjere, kako bi se obezbijedili strateški interesi domaće proizvodnje i stvorile pretpostavke za održivi razvoj poljoprivrede u BiH i jačanje sposobnosti domaćih proizvođača da se nose da konkurentskim pritiscima i tržišnim zakonitostima unutar EU “

⁴ Usljed suspenzije Autonomnih trgovinskih mjera koje EU unilateralno odobrava zemljama u procesu stabilizacije i pridruživanja, pojedine tarifne linije iz ove dvije grupe proizvoda su se mogle naći u situaciji da prilikom izvoza u EU budu podvrgnute naplati specifičnog dijela složene carinske stope za te proizvode u jedinstvenoj carinskoj tarifi EU

⁵ Evropska komisija je obavijestila Delegaciju BiH da su sredstva podršku BiH za oblast poljoprivrede obezbjeđena, te da će biti operativna odmah nakon usvajanja potrebnih strategija

Ključna pitanja o kojima su dvije strane imale krajnje oprečne stavove su bila pitanje bh. zahtjeva za fazno prilagođavanje količine kvote, zahtjev BiH za otvaranje kvota za proizvode iz glave 7 i 8 (voće i povrće), te zahtjev EK za retroaktivnu primjenu Protokola.

Naime, EK je od samog početka rezolutno odbijala bilo kakve razgovore o navedenim pitanjima argumentujući da je BiH kašnjenjem u procesu prilagođavanja od tri godine de facto već dobila odgodu u primjeni, da proizvodi iz glave 7 i 8 mogu nesmetano biti izvoženi po ATM-u koji će biti reaktiviran u odnosu na BiH odmah po okončanju prilagođavanja, te da očekuju da BiH primjenjuje Protokol od dana pristupanja Hrvatske EU.

Vezano za bh. zahtjev za „kompenzacije“, EK je takođe argumentovala da je BiH, kroz naplatu carine na ove proizvode u roku tri godine već ostvarila određena sredstva, da izvoz piletine i jaja zavisi od brzine kojom bh. vlasti ispunjavaju potrebne uslove, te da sredstva IPARD i sličnih fondova stoje spremna (i na raspolaganju) odmah po usvajanju potrebnih strateških dokumenata.

Kada je u pitanju zahtjev BiH za povećanje postojećih kvota za ribu, šećer i vino, EK je navela da takav zahtjev značajno prevazilazi „tradicionalnu“ trgovinu između BiH i Hrvatske, te da može razmotriti samo one količine koje su zabilježene u referentnom periodu.

Nakon više razgovora sa predstavnicima EK, te u skladu sa internim konsultacijama, bh. strana je još jednom naglasila svu osjetljivost i specifičnosti grupe poljoprivrednih proizvoda o kojima se vode razgovore, te obavijestila da EK da dogovor ne može biti postignut ukoliko se za najosjetljivije proizvode ne osigura postepeno povećanje količina do postizanja ukupne količine tarifne kvote. Nakon obavljenih konsultacija EK je obavijestila bh. stranu da prihvata zahtjeve BiH za postepeno otvaranje bescarinskih kvota, odnosno da prihvata zahtjev BiH da se Protokol ne primjenjuje retroaktivno od 1. jula 2013. godine. Ovim su se, na tehničkom nivou, stekli uslovi za parafiranje.

Imajući u vidu rezolutan stav EK o nekoliko navedenih pitanja na početku pregovora a posebno pitanju postepenosti prilagođavanja, iz odgovora EK je vidljivo da su zahtjevi BiH djelimično prihvaćeni (za 7 od 12 traženih tarifnih linija je prihvaćen zahtjev za fazno prilagođavanje). Takođe treba konstatovati da je BiH, prema raspoloživim informacijama, jedina zemlja Regiona koja je u pregovorima o prilagođavanju dobila mogućnost faznog prilagođavanja.

Usaglašeni tekst Protokola je parafiran 18. jula 2016. godine u Sarajevu.

Nakon okončanja pregovora obje strane moraju obaviti procedure koje su unutrašnjim zakonodavstvom propisane za zaključivanje međunarodnih ugovora. Nakon potpisivanja, obje strane će provesti interne procedure ratifikacije.

Protokol će se primjenjivati okončanjem postupaka ratifikacije ili od prvog dana drugog mjeseca koji slijedi mjesecu u kojem Protokol bude potpisan, šta god da je ranije.